

D. A. G.

SPECIMEN ACADEMICUM,

De

# LICENTIA IN VICTOS,

Qvod,

Consentiente Ampl. Facult. Philos. in Il-  
lustri Academia Aboensi,

Sub PRÆSIDIO

Amplissimi atque Celeberrimi

VIRI,

M. HENRICI HASSEL,

Eloq. Prof. Reg. & Ord. h. t. Fa-  
cult. Philos. DECANI,

Ad publicum Examen modeste defert

LAURENT. ÅKERBERG

Medelpadia Svecus.

Ad d. 23 Martii An. MDCCXXXII.  
loco horisqve solitis.

---

ABOÆ,

Exc. R. Acad. Typ. Joh. Kiämpe.

*Andreas Salorius*

*Nobilissimo Domino*

# Dn. SAMUEL RABBE

CENTURIONI maxime strenuo,  
ut NUTRITIO antea per quadri-  
ennium indulgentissimo, ita nunc  
PROMOTORI certissimo, omni  
animi reverentia & honoris cultu  
ad cineres usque colendo.

**T**unc in me Patrone Optime tan-  
tus fuit favor, & indulgentia  
tanta, inde ab illo temporis momento,  
quo mibi primum aditus ad limina Tua  
patuit, ut illi dignis verborum pre-  
missis depraedandæ vix ac ne vix quidem  
sufficiam. Quum autem adfectum pro-  
fus paternum, quo me variis expositum  
calamitatibus amplecti haud gravatus  
fis, adcuratius expendam, me ab offi-  
cio prorsus defectere existimavi, si, da-  
ta hac occasione, erga Tantum Patro-  
num, pietatem deuoto pectori inclusam,  
publice testi negligerem. Et ut nihil,  
quod Tuam erga me liberalitatem &  
bene-

benevolentiam velex parte aequet, Tibi,  
Indulgentissime Patrone, offerre un-  
quam valeam; humillime tamen ore,  
serena, ut soles, fronte excipias ten-  
tes, omnique prorsus nitore destitutas  
hasce pagellas, quas in pii gratissimiq;  
animi tesseram offero. Suspiria ad  
Deum T. O. M. calidissima fundere  
nunquam intermittam, velit placida &  
tranquilla Te beare senecta, Tibique  
eam clementer remunerare benignita-  
tem, quam clienti venerabundo nun-  
quam non prestitisti. Illucescat sero  
ille dies, qui Nobilissimos Tuos Con-  
languineos columna fortunarum fir-  
missima, clientes patrocinio certissimo lu-  
stuose privabit. Tandem post fata De-  
us T. O. M. Te cœlitum numero ad-  
scribat. Sic ex intimis pectoris reces-  
sibus, dum spiritus hos regit artus, vo-  
vet povebitque!!!

Nobilissimi Nominis Tui

cultor humillimus  
L. Åkerberg.

*Plurim. Rever. atque Clariss.*

*VIRO*

**Mag. PETRO SUNDBERG,**  
Niurundenium in Medelpadia PA-  
STORI meritissimo, EVERGE-  
TÆ optimo benignissimo.

*Plurim. Rever. atque Clariss.*

**Mag. JACOBO MANQVER,**  
Ecclesiæ, qvæ Christo in Munsön  
Uplandorum colligitur, PASTORI  
vigilantissimo, VIRO scientia mul-  
tiplici, rerumqve experientia in-  
structo, FAUTORI explo-  
ratissimo.

*Plur, Rever. atque Doctissimo*

**Dn. JOHANNI LIDIN,**  
PASTORI in Sidensib Angerman-  
norum adcuratissimo, AVUNCU-  
LO desideratissimo.  
Fautoribus & Promotoribus singu-  
lari honore proseqvendis.

VIRIS

*Speciatissimis atque honoratissimis*

Dn. ANDREÆ LIDIN,  
INSPECTORI in Camera Posta-  
rum, qvæ HOLMIÆ est, vigilantis-  
simo, AVUNCULO omni hono-  
re jugiter mactando.

Dn. JOHANNI THORSBERG,  
CAMERARIO Fidelissimo, ob sin-  
gularem benevolentiam devo-  
te colendo.

Dn. SIMONI LIDIN,  
Mercatori inter Holmenses Maxi-  
me conspicuo, AVUNCULO ob-  
servantissimo.

Dn. JONÆ GENBERG  
Senatori ac Mercatori urbis Sunds-  
valdiaæ æqvissimo, benefactori  
observando.

**V**Obis, Fautores benignissimi, A-  
vunculi optimi, basce pagellas in  
venerabundi gratissimique animi pignus,  
ob plurima sibi præstata beneficia, cum  
voto ardentissimo pro incolumitate ac  
felicitate vestra perenni offert, dat,  
dedicat

Plur. Reverend. Clarissim.

Et

Honoratissimor.  
Nominum Vestrorum

Cultor observantissimus

L. Åkerberg.

I. N. J.

§. I.

**P**acificā prorsus & jucunda  
exstitisset hominum vita,  
si in statu primævo & in-  
tegro permansissent. Nam ut  
Deus universum genus huma-  
num ex uno produxit sanguine,  
ita non solum eximia naturali  
similitudine, verum etiam insi-  
gni φιλαρθεωπίᾳ seu blando amo-  
ris affectu in se invicem gavi-  
si fuissent. Instruxit etiam De-

A

us

us hominem aptissimis vitæ so-  
ciali facultatibus, intellectu ni-  
mirum & voluntate, legemq;  
statui pacifico congruentem sin-  
gulorum mentibus impressit. Ser-  
mone insuper, præstantissimo illo  
dono, in hujus vitæ conserva-  
tionem ornavit (*a*), & ipsa cor-  
poris membra, ad societatem co-  
lendam, mutuaque officia præ-  
standa, maxime idonea estiforma-  
vit. Qvarum aliarumve rerum  
intuitu satis appareat, naturam  
hominis qvam maxime primi-  
tus fuisse socialem. Nec pro-  
fundissima illa naturæ humanæ  
corruptio, quæ tristissimum  
Protoplastorum lapsum excepit,  
connatum societatis desideri-  
um omnino extingvere valuit,

cujus aliquam saltem vim in singularis mortalium se adhuc exercere experientia docet. De hoc autem quis dubitaret, cui exploratus est instinctus ille vehementissimus ad conservationem sui, quem non homini tantum, sed aliis quoque animalibus, provida infixit natura, & cui juxta constat, homines sine mutua ope & auxilio vix ad momentum salvos manere, nedum felicitatem consequi posse & tueri. Præterea quæcum Homo libertatis studio maximie teneatur, & ægre admodum se alienæ potestati substernat, primævi Patres familiarum singuli suas rexerunt domos, quæ præter illos, alios dominos civiles non

agnoverunt. Horum iusta pro legibus erant, ipsi vero, & qui illis parebant, omnes & singuli lumine rationis ad actiones justas & aquas excitantur. Nec inficiari fas est, in illa simplicitate pauciores fuisse injurias, dolos ac fraudes, quum ignoratio vitiorum esset instar magistræ virtutum. Quare non de nihilo prorsus esse putamus, quæ de aurea ætate Poëtæ fabulantur, inter quos audiamus Ovidium sic canentem:

*Aurea prima sata est ætas, quæ  
vindice nullo.*

Sponte sua, sine lege fidem resumq; colebant.

Pœna metusq; aberant, nec superplex turbat timebat.

Judicis ora sui, Sed erant sine  
judice tuti.

(a) Budd. Phil. Pract. cap. IV.  
Sect. VI. §. 4. (b) Ovid. lib. I. fab. III.

### §. II.

**S**ed alia, proh dolor! statui  
huic familiarum primævo,  
ætas successit minus pacifica.  
Multiplicato namque genere hu-  
mano, crescere etiam cœpit ma-  
litia, rara exstitit in alios ca-  
ritas, in cuius locum ambitio  
& insatiabilis habendi cupido  
subiit. Qvisque tentabat aliena  
occupare, sibiique subjicere,  
unde rixæ & inimicitiae orïæ  
sunt, quibus repellendis atque  
sedandis lex naturæ, licet in  
se,

se perfecta non suffecit. Cogebantur ergo homines maiores in cœtus coalescere, viresque conjungere, de potestate cimienti cōsentire, eidemque se se submittere, & ad salutem contra qvosvis iniquos defendendam conspirare. Ut ejuscemodi societates conservari & florere queant, plurima & illarum Gubernatoribus, & his, qvi, ut membra, corpora ista civilia constituunt, officia sunt observanda, qvæ ex ipso fine, quem civitates sibi habent propositum, & mediorum, ad illum obtinendum pertinentium, natura ac iudeole æstimare oportet.

### §. III.

**L**icet ejuscemodi facta sit di-

vicio humani generis, coniunctionem tamen ejus naturalem non tollit, sed potius ad hoc dirigitur, ut singuli particulares coetus commune ejusdem bonum promoteant, nam licet quisque horum suam imprimis salutem procuret, suumque proprium statum salvum atque incolumentem cupiat; legis naturalis obligatio eadem manet, & ceu firmissimum quodam vinculum, omnia magni hujus corporis membra, in universalē cogit societatem. Unde apparet, erroneam non minus quam impiam esse Hobbesii doctrinam, de perpetua, diversas inter civitates, hostilitate, cuius ille non tantum necessaria,

riam existentiam adstruere, sed etiam moralitatem ac licetum exercitium quantum in se propugnare allaborat. Qvod prius attinet, falsum omnino esse experientia magistra indubie constat. Pacem enim dari vicinos inter populos quis negaret? Nec prudentia illa, qva futuros casus antevertunt, & pace contra bellum sibi prospiciunt, statum indicat hostilem. Posterioris absolum esse, æquè certum. Nam quis alterum ideo jure invaderet, qvod eundem se olim adgressurum fore suspicetur, etiamsi animum hostilem nullo adhuc indicio prodiderit. Id vero foret, iustitiam ex mundo proscribere, & omnes sine di-

discrimine populos, barbaræ cu-  
jusdam feritatis reos agere.  
Qvod aliqui jus ac fas vili pen-  
dant, omnes hoc facere inde  
non sequitur.

§. IV.

**Q**uamvis hæc ita se habeant,  
nihilominus tamen minus de-  
prehendimus populos quosdam,  
vel eorundem moderatores,  
qui nocentissimis cupiditatibus,  
ambitione, aut avaritia excita-  
ti, pacem publicam turbare  
malint, quam placida tranquil-  
litate frui; unde præter inten-  
tionem Summi rerum Creato-  
ris, pro vita tranquilla mutui  
amoris plena, cruenta & ho-  
stilis introducitur. Siqvidem  
ho-

homini a natura inditum est, ut vitam suam defendere, omniaq; in sui perniciem tendentia avertere cupiat. Nec frustra ei Deus vires & facultates, ad sui defensionem malique intentati propulsionem, largitus est. E. quidem, inquit Pufendorfius, ad pacem cum sui similibus a-gendam homo conditus est, omnesque naturæ leges, quæ alios homines spectant, primario ad pacem constituendam, & servandam tendunt. Nec minus tamen natura ad vim configere quandoq; indulget, ubi aliter per alterius injuriam salvi esse non possumus. Scilicet obligatio ad exercendas invicem leges naturæ, & officia pacis est mutua, &

omnes homines æqualiter stringit; Neque ulti præ altero privilegium per naturam competit, ut ipse in altero eas leges violare queat, alter autem adversus hunc pacem continuare teneatur. Sed utrinque stringens obligatio facit, ut munia pacis mutuo debeant exerceri. Adeoque ubi alter contra leges pacis talia adversus me suscipere aggreditur, quæ ad meam perniciem spectant, impudenterissime a me postulaverit, ut ego ipsum deinceps sacrosanctum habeam; id est, ut meam sanitatem prodam, quo ipsius malitia impune grassari queat. (a) Istud etiam jus in ipsa hominis natura rationali fundamentum, & cum generis humani conser-

vatione necessariam habet connexionem. Natura enim non solum acrem injuriarum sensum animis hominum indidit, sed & manuum agilitate ac robore corpus armavit, ne easdem impune cogerentur tolerare (b). Plane etiam absurdum & prorsus impium foret, Deo adscribere, quod innocentibus imposuisset, quascunque injurias sine ulla reluctatione semper devorare, quo injusti suæ violentiæ fructum secure perciperent; unde miserrima totius humani generis facies esset oritura (c).

(a) Lib. II. Cap. V. §. 1. (b)  
 Lib. VIII. Cap. VI. §. 2 (c) Budd.  
 Phil. Pract. Cap. V. Sect. II. §. 2.  
 §. V.

## §. V.

**H**isce itaque constat, defensionem publicam, non solum licitam, verum etiam necessariam esse. Multi quidem tam ex veteribus, quam recentioribus, bella pro illicitis habuerunt, ut ex illis, Origenes (*a*), & Tertullianus (*b*), ex his, Desiderius Erasmus Roterodamensis (*c*), imprimis autem Anabaptistæ & Sociniani, quorum sputum lingit famosus ille Dippeli<sup>9</sup>, homo ad turbas in Ecclesia & republika excitandas natus, qui dum aurea se in mundum secula revocaturum fore promittit, & summis potestatibus sua jura, & populis securitatem callide surripere conatur. Hanc sen-

sententiam qvibusdam locis, scripturæ firmare laborarunt, ut: Es. II. v. 4 Matth. V. v. 39, & 44. 2. Cor. X. v. 4. &c. Sed uti quamplurimis in locis scripturam finestre interpretantur, ita & in his; Nam Es. II. v. 4. loquitur Propheta I. de pace inter gentes & Judæos per prædicacionem Evangelii constituenda, quod Paulus impletum esse testatur Eph. II. diruta nimirum macie. 2. loquitur de pace inter Christianos & illas gentes, qvæ Evangelium recepturæ essent, ergo nihil ad rem. Matth. V. v. 39, & 44. loquitur Christus de vindicta privata, & non de illa, quæ fit ex officio, quam Deus per magistratum.

Politicum exsequitur, cui vindicta demandata est. Et 2. Cor. X v. 4. Sermo est non de hostibus externis, qui de pace & rebus externis nobiscum contendunt, sed de lucta spirituali, quæ nobis est cum Diabolo ejusque affeclis, ratione humana & corrupta nostra carne, qvod ulterius patet ex Eph. II. Cætera quæ in contrarium adferre solent, aut de vindicta privata, quam illicitam esse nemo dubitaverit, aut de bellis injustis intelligenda veniunt, & si alium aliquem admittant sensum, nostram adsertionem minime destruere queunt. Hoc enim fundamentum semper firmum & inconcussum manet,  
quod

quod recte rationi revelatio non contrarietur, quum idem luminis & revelati & naturalis sapientissimus sit Auctor.

(a) *Lib. VIII. contra Celsum pag. 425 seqq.* (b) *in lib. de J. adolat. Cap. XIX. Et de corona milit. Cap. II.* (c) *in Lib. de milit. Christ. X.*

### §. VI.

**Q**UARE ETIAM, quod jure naturæ bellum gerere fas sit, plurima scripturæ testimonia tam Vet. quam Novi Test. confirmant. Reges Sodomam oppugnantes, proprio ausu, sine ullo speciali Dei mandato, adortus est Abrahamus, vicit, ablatamque prædam reportavit;

quod

quod deinde a Deo probatum  
videmus per sacerdotem sum-  
mum Melchisedecum (*a*). Bel-  
lum Israëlitarum cum Malachi-  
tis, ducibus Moše & Josua, ge-  
stum, aliisque gentilibus Cana-  
næis Deo placuisse legimus (*b*).  
Alibi jus belli sanctum esse a  
Deo reperimus (*c*). Victoriam  
in bellis & felicitatem san-  
cti ad Deum retulerunt. De stra-  
ge Cananæorum cecinit Debora  
(*d*). Laudem in victoriis suis Deo  
tribuit David (*e*). Alter Elias  
Ecclesiæ N. T. Johannes, mi-  
litibus de ira Dei effugienda  
consilium qværentibus respondit  
instruxitque non ut militiam  
desererent, sed vitiosas circum-  
stantias cum bello per accidens

connexas, violentiam nimirum, fraudulentiam & rapinas evitarent (f). Christus ipse (g), fidem militum extollendo ostendit, eos non obstante statu militari Deo acceptos esse.

(a) Gen. XIV. v. 20 (b). Exod. XVII. (c) Num. XXXI. X. 9. Dent. XX. 19 (d) Jud. V. v. 1. seqq (e) Psalm. XLIII. v. 49. (f) Luc. III. v. 14. (g) Matth. VII. v. 9. 10.

### §. VII.

**H**inc itaque facile evincitur, bella minime esse prohibita, si modo justis ex causis suscipiantur, inter quas palmaria est, nostri adversus vim in-

injustam defensio, quæ omni  
jure & ipso recte rationis dictami-  
ne permissa est. Nec a justi-  
tia alienum, ut armis illi ob-  
viam eamus, cui nos armis  
lædere mens est, qvod tamen  
ex continentि fieri debet, ne  
interjecto aliquo temporis spa-  
tio, non vi illatæ resistere, sed  
vindictam tantum moliri videa-  
mur. Rerum per injuriam ab-  
latarum recuperatio, eorumq;  
quæ jure nobis debentur, si ami-  
ce non impetrari possint, vindic-  
atio concessa pariter habetur.  
Et licet ejuscemodi justæ suppe-  
tant caussæ, ad arma tamen  
statim non est provolandum.  
Tentanda est primum amica  
compositio, & adversarius de in-  
justi-

justitia sua admonendus, & si læso mora temporis, sine pericu-  
lo detrimenti inde fecuturi, de-  
tur, ad arbitros res est deferen-  
da, ut controversia componi  
qveat, sed si hostis nullo mo-  
do ad justitiam & æquum revo-  
cari qveat, valet illud Regis  
Theodorici: *tunc utile solum est*  
*ad arma concurrere, cum locum*  
*apud adversarios justitia non po-*  
*est invenire (a).* Et illud Livii: *ju-*  
*stum est bellum, quibus necessarium,*  
*et pia arma, quibus nulla nisi*  
*in armis relinquitur spes (b).*  
*Q*uod tamen fieri non debet si-  
ne publica denunciatione, qua  
in bello defensivo non opus est,  
ut ipsa necessitas docet.

(a) *Var. i. cit. Grot. de I.B. et P.*  
*lib. II. cap. XXIII, §. 7. (b) lib. IX.*

## §. VIII.

**I**N dicto itaque bello, ad arma statim proruere, & vim in hostem exercere, jure belli permisum esse communiter statuunt juris naturalis scriptores, quorum nonnulli licentiam in viatos laxiendi in infinitum extendere non dubitant: *dum quis hostem se se meum profitetur, licentiam concedit vim contra ipsum exferendi in infinitum, aut quantum mihi videtur, inquit Pufend: (a).* Scilicet quum hostis illimitatum habeat nocendi propositum, illimitatam etiam vim eidem opponi posse contendunt, cuius juris effectus non in eos solum, qui arma gerunt, sed in imbellem, quoque turbam, foeminas puta, infantes, decrepitosque senes, ipsum.

p̄tū hostilitatis ardorem effundit.  
 Hujus rei exempla, tam in veteri,  
 quam in recentiori historia,  
 perplurima obvia sunt. Traces  
 capta Mycalefso, foeminas qvoq;  
 & infantes neci dederunt, nar-  
 rante Thucydide (b). Idem de  
 Græcis in Thebanos memorat  
 Arrianus. Romani, exsuperatis  
 Hispanis, in urbe Ilurgi, sine  
 discrimine interemerunt mulie-  
 res pariter ac pueros, ut tradit  
 Appianus. Plura ejus rei exem-  
 pla enumerat Hugo Grotius (c).  
 Qvod præterea exinde qvoque  
 licitum esse judicatur, qvia bel-  
 lum non hosti modo, sed & o-  
 mnibus intra fines hostiles habi-  
 tantibus indicitur, ut patet ex  
 ipsa inductionis formula Roma-  
 norum ad Philippum Macedo-  
 nem

nem: *Vellent, juberent Philippo Regi macedonibusque, qui sub imperio ejus essent, bellum indici (d).*

(a) *de J. Nat. & Gent. lib. VIII. cap. VI. §. 7.* (b) *lib. I.* (c) *Grot. de J. B. & P. lib. III. c. IV. §. 9.* (d) *Liv. lib. XXXI.*

### §. IX

**V**ERUM enimverò, si fine in belli respiciamus, tantam sæviendi licentiam cum honestate vix consistere existimamus. Nam si defensio sui, injuriæ propulsatio, juris debiti extecutio, in futurum cautio, & firma deniq; pax sine ista sævitia obtineri pos fit, procul dubio illicita est, atq; omni humanitati honestatiq; con traria, *humanitas enim jubet, in quivit Pufend. ut quantum armo rum impetus patitur, non plus ma*

ti hosti inferamus, quam defensio,  
aut juris debiti vindicatio  $\Sigma$  in  
posterum securitas requirit(a). Ne-  
que mores gentium, hac in re i-  
mitandi sunt, Nam non videndum  
quid gentes faciant, sed quid fa-  
cere debeant(b)Inde concludimus,  
fævitiam in tales naturâ inermes  
exercere a mera barbarie non es-  
se remotum, ideoque omnino il-  
licitum, nisi singulare quoddam  
momentum ad finem belli obti-  
nendum inde conferatur, quod  
saniores etiam gentiles observas-  
se legimus. Inter quos Alexan-  
der Magnus non infimum sibi  
vindicat locum, cuius de cle-  
mentia dictum ejus vere regio  
spiritu dignum testatur: Cum  
captivis  $\Sigma$  fæminis gerere bel-  
lum non soleo, armatus sit oportet,  
quem

quem oderim (c). Sic de hosti-  
bus etiam suis, Gothi nostri præ-  
clare meruere, qui, teste Augu-  
stino, tam multis pepererunt, ut  
magis mirum sit, quod aliquos per-  
emerunt (d). Similiter Alphonsus  
Arragoniæ Rex insigni fertur be-  
nignitate sublevasse incommoda  
captivorum, coque cum a suis  
increpabatur, eis reposuit, se-  
malle ex clementia & humanita-  
te erga hostes, quam ex victoria  
laudem adipisci (e). Præ cæteris  
tamen jure meritoque extollen-  
dus est Gloriosissimæ memoriarum  
Rex Gustavus Adolphus, cuius  
laudabile dictum & factum totus  
Christianus orbis merito imitari  
debet: Quos ipsa, inquit, na-  
tura fecit inermes, hos armis in-  
vadere contra naturam & jus  
belli

*belli est (f).* Unde jam in ejusmodi miseros homines saevitia grassari, & juri belli, & receptis Christianorum pariter ac moratiorum gentium moribus repugnare, in propatulo est. Essent quidem plurima, de nobis hoc argumento amplius dicenda, sed temporis nimia, qua circumscribor angustia, impeditus, hisce paucissimis subsistere cogor; horum itaque candidam B. L. interpretationem reverenter expeto, Deoque T. O. M. gloriam & grates decerno infinitas.

(a) *de O. H. & C. Lib. II. Cap. XVI.*  
 §. 2. (b) *Budd. Elem. Phil. Pract. cap.*  
*V. sect. V. §. 4.* (c) *Curt. Lib. IV. cap.*  
*XI.* (d) *de Civit. Dei III. cap. XXIX.*  
 (e) *Panorm. in vit. Alph.* (f) *Loccen. in*  
*not. ad sup. cit. Curt. loc.*

